



Adresa: **Ul. Hamdije Čemerlića 39**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/21-3-40-149-3/22**

Datum: **18.04.2022. godine**

„Agencija za vodno područje rijeke Save“ Sarajevo, rješavajući po zahtjevu „AKOVA IMPEX“ d.o.o. Sarajevo za izdavanje vodne dozvole za zahvatanje pitke podzemne vode iz bunara OB-1 u količini od 15 l/s za potrebe pogona za pripremu, preradu i proizvodnju mesa i mesnih prerađevina i druge potrebe, na osnovu člana 139. stav (1) tačka 1. Zakona o vodama ("Službene novine Federacije BiH", broj 70/06), člana 200. stav (1) Zakona o upravnom postupku ("Službene novine Federacije BiH", broj 2/98 i 49/99), donosi

RJEŠENJE o vodnoj dozvoli

1. Daje se vodna dozvola podnosiocu zahtjeva „AKOVA IMPEX“ d.o.o. Sarajevo za zahvatanje pitke podzemne vode iz bunara OB-1 u količini od 15 l/s za potrebe pogona za pripremu, preradu i proizvodnju mesa i mesnih prerađevina i druge potrebe, izgrađenom na zemljištu označenom kao k.č. 269/1, upisana u zk. uložak broj 1523, K.O. Binježevo, općina Hadžići.
2. Vodna dozvola se daje na osnovu dostavljene dokumentacije, izvršenog uviđaja na objektu, utvrđenog činjeničnog stanja i uz sljedeće uslove:
 - 2.1. Da korisnik predmetnog vodozahvatnog objekta isti održava u funkcionalnom stanju i koristi u skladu sa njegovom prirodom i namjenom, te u skladu sa uslovima iz ove vodne dozvole.
 - 2.2. Da korisnik vodocrpilišta u cilju kontrole, evidencije i plaćanja količina zahvaćene vode vrši mjerenje iste, a što se u ovom trenutku obezbijeduje putem mjerača protoka-vodomjera proizvođača Meinecke, serijski broj:38769495, vrsta: EWT, DN 80 (Sl.oznala BA-Z-14-1054). Evidenciju o mjerenjima zahvaćenih količina vode vršiti u skladu sa Pravilnikom o sadržaju i načinu vođenja evidencije i dostavljanje podataka o količinama zahvaćene vode („Službene novine FBiH“ br. 83/08).
 - 2.3. Da obezbijedi tehničku ispravnost ugrađenog mjernog uređaja za evidentiranje zahvaćenih količina vode, opreme na objektima transportnog sistema, odnosno da redovno vrši baždarenje mjerača protoka u skladu sa propisima o mjernim uređajima.
 - 2.4. Da se uredno vodi dnevnik rada u koji će se unositi podaci o postupku tretmana vode i potrošnji svih hemikalija.
 - 2.5. Da se vrši stalna dezinfekcija vode kloriranjem kao i kontrola rezidualnog klora u distributivnoj mreži u skladu sa Pravilnikom o zdravstvenoj ispravnosti vode za piće ("Službeni glasnik BiH", 40/10, 43/10, 30/12 i 62/17).
 - 2.6. Korisnik je dužan vršiti redovnu kontrolu uskladištenih hemikalija i obezbijediti takve uslove koji će spriječiti zagađenje površinskih i podzemnih voda uskladištenim materijama, odnosno, obezbijediti moguće isticanje klora i drugih komponenti iz objekata i iz posuda, odgovarajućim tankvanama. Takođe je dužan obezbijediti adekvatan apsorber za prikupljanje hemikalija u slučaju incidentnog izljevanja.
 - 2.7. Da korisnik predmetnih objekata osigura stalni i sistemski pregled vode i preduzme mjere za osiguranje zdravstveno ispravne vode za piće, u skladu sa Pravilnikom o zdravstvenoj ispravnosti vode za piće.
 - 2.8. Da kontrolu ispitivanja kvaliteta vode za potrebe vodosnabdijevanja vodom za piće mogu vršiti samo ovlaštene laboratorije, u skladu sa članom 48 stav 3. Zakona o vodama.
 - 2.9. Da ukoliko se redovnim ili vanrednim analizama kvaliteta vode utvrdi da ista ne zadovoljava uslove vode za piće propisane važećim Pravilnikom o zdravstvenoj ispravnosti vode za piće, bunar isključiti iz upotrebe.
 - 2.10. Da se stalno sprovode mjere o zaštiti izvorišta po Odluci o zaštiti izvorišta vode za piće za bunar OB-1 u krugu pogona MI „Ovako“ donesena od strane Općinskog vijeća općine Hadžići, broj:01-01-2-8224/2019 od 21.11.2019. godine.

- 2.11. Ogradu i ograđeni prostor oko vodocrpilištu „Ovako“ potrebno je održavati što znači da je ovaj prostor potrebno kositi, uklanjati samoniklo šiblje i grmlje i isti obezbijediti i drugim mjerama fizičke zaštite i osiguranja ukoliko se to ocijeni potrebnim.
3. Korisnik objekata treba da u cilju kontrole, evidencije i plaćanja količina zahvaćene vode vrši kontinuirano mjerenje količina zahvaćene vode i podatke o tim mjerenjima unosi u Knjigu evidencije o količinama zahvaćene vode. Korisnik objekata je obavezan vršiti plaćanje posebne vodne naknade u skladu sa članom 170 stav 1. tačka 1. alineja 1. Zakona o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).
4. Prava stečena po ovoj vodnoj dozvoli ne mogu se prenositi na treća lica, a ista se mogu izmjeniti u zakonom propisanim slučajevima.
5. Ukoliko prilikom upotrebe vodozahvatnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
6. U ovoj upravnoj stvari plaćene su sve upravne pristojbe.
7. Ova vodna dozvola, shodno članu 117. stav 1. Zakona o vodama („Službene novine Federacije BiH“, broj 70/06) se daje sa rokom važenja od pet godina od pravosnažnosti ovog rješenja.
8. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
9. Za izgradnju novih ili rekonstrukciju ili uklanjanje postojećeg objekta te promjenu uslova zahvatanja vode na vodocrpilištu „Ovako“, ako bi se time uticalo na promjenu kvaliteta i kvantiteta voda, odnosno ako se time mogu trajno, povremeno ili privremeno prouzrokovati promjene u režimu voda, korisnik predmetnog objekta je dužan pribaviti vodne akte (prethodnu vodnu saglasnost, vodnu saglasnost i vodnu dozvolu).
10. Ovo Rješenje o vodnoj dozvoli može se izmjeniti ukoliko nastupe okolnosti iz člana 130. stav (1) Zakona o vodama.

Obrazloženje

Pravno lice „AKOVA IMPEX“ d.o.o. Sarajevo obratio se ovoj Agenciji sa zahtjevom za izdavanje Rješenja o vodnoj dozvoli za zahvatanje vode putem bunara OB-1 u količini od 15 l/s za potrebe pogona za pripremu, preradu i proizvodnju mesa i mesnih prerađevina i druge potrebe na vodocrpilištu „Ovako“, općina Hadžići.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- A. Opća dokumentacija
- Aktuelni izvod iz sudskog registra broj: 065-0-RegZ-22-002392 od 07.03.2022. godine izdat od strane Općinskog suda u Sarajevu – kopija,
 - Rješenje o urbanističkoj saglasnosti broj: 07-23-2-761/2010 od 02.04.2010. godine izdata od Općinske službe za prostorno uređenje, urbanizam i građenje, općine Hadžići - kopija,
 - Uvjerenje o poreznoj registraciji od 07.12.2002. godine izdato od strane Kantonalnog poreznog ureda u Sarajevu – kopija,
 - Uvjerenje o registraciji obveznika poreza na dodanu vrijednost, broj: 04/5-1/IV-17-1-5684-2778/05 od 12.11.2005. godine izdato od strane Uprave za indirektno-neizravno oporezivanje Banja Luka – kopija,
 - Ovjernica/Uvjerenje broj: 002/1887/20 o udovoljenju mjeriteljskim zahtjevima izdata od strane Federalnog ministarstva industrije, energije i rudarstva sa pratećom dokumentacijom – kopija,
 - Rješenje o vodnoj dozvoli, broj:UP-I/25-3-40-153-5/17 od 30.03.2017. godine izdato od strane Agencije za vodno područje rijeke Save, Sarajevo – kopija,
 - Rješenje o građevinskoj dozvoli, broj: 07-23-3-1116/2010 od 30.04.20210. godine izdato od strane Službe za prostorno uređenje, urbanizam i građenje općine Hadžići – kopija,
 - Odluka o zaštiti izvorišta vode za piće za bunar OB-1 u krugu pogona MI „Ovako“ donesena od strane Općinskog vijeća općine Hadžići, broj:01-01-2-8224/2019 od 21.11.2019. godine – kopija,
 - Ugovor o koncesiji, broj: 1316/13 od 05.06.2013. godine potpisan sa Vladom Kantona Sarajevo – kopija,

- Izvještaj o uzorkovanju vode, broj: 6854/21 od 31.05.2021. godine urađen od strane Zavoda za javno zdravstvo Kantona Sarajevo – kopija,
- Izvještaj o uzorkovanju vode, broj: 10952/21 od 19.08.2021. godine urađen od strane Zavoda za javno zdravstvo Kantona Sarajevo – kopija,
- Izvještaj o uzorkovanju vode, broj: 12208/21 od 14.09.2021. godine urađen od strane Zavoda za javno zdravstvo Kantona Sarajevo – kopija,
- Izvještaj o uzorkovanju vode, broj: 9237/21 od 21.07.2021. godine urađen od strane Zavoda za javno zdravstvo Kantona Sarajevo – kopija,
- Izvještaj o uzorkovanju vode, broj: 7928/21 od 22.06.2021 godine urađen od strane Zavoda za javno zdravstvo Kantona Sarajevo – kopija,
- Izvještaj o laboratorijskom ispitivanju br. 1256-2/21 od 26.04.2021. godine urađen od strane Euro Inspekt d.o.o. Sarajevo – kopija,
- Izvještaj o ispitivanju, broj: 16/458/2021-MIK od 16.04.2021. godine urađen od strane J.U. „Veterinarski Zavod“ Bihać – kopija,
- Izvještaj o ispitivanju, broj: 20/458/2021-MIK od 13.05.2021. godine urađen od strane J.U. „Veterinarski Zavod“ Bihać – kopija,
- Dokaz o uplaćenju federalnoj upravnoj pristojbi na zahtjev.

B. Tehnička dokumentacija

- Elaborat o zaštiti izvorišta za bunar OB-1 u krugu pogona „Ovako“ na području općine Hadžići urađen od strane „Institut za hidrotehniku“ d.d. Sarajevo, juli 2018. godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Nakon pregleda dostavljene dokumentacije, u skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20), izvršen je uviđaj na lokaciji i tom prilikom sačinjen Zapisnik o izvršenom uviđaju broj: UP-1/21-3-40-149-2/22 od 15.04.2022. godine.

Na osnovu dostavljene dokumentacije, izvršenog uviđaja na licu mjesta utvrđeno je slijedeće:

- Izvorište pitkih podzemnih voda "Ovako" nalazi se na lokalitetu Mostarsko raskršće, 10 km jugozapadno od Sarajeva. U administrativnom pogledu pripada Općini Hadžići, odnosno Kantonu Sarajevo.
- Eksploatacioni bunar sa oznakom OB-1 izveden je u krugu pogona "Ovako", neposredno pored istražno-opitne bušotine AP-7, na zemljišnoj parceli označenoj kao k.č. 269/1, upisana u zk. uložak broj 1523, K.O. Binježevo, općina Hadžići. Lokacija bunara je pored zaštitne ograde pogona na parceli u vlasništvu kompanije „AKOVA IMPEX“ d.o.o. Sarajevo.
- Tehničke karakteristike bunara: dubina - 13,5 m, promjer - \varnothing 273 mm.
- Konstrukcija bunara je slijedećih karakteristika: dubina ugradnje- 13,50 m, prečnik- \varnothing 219 mm, materijal - antikorozivno zaštićene čelične cijevi, filter - mostićavi (otvor 3,0 mm), antikorozivno zaštićen.
- Optimalna izdašnosti bunara iznosi $Q = 18,5$ l/s uz sniženje $S = 0,97$ m.
- Eksploatacija vode iz bunara OB-1 vrši se crpljenjem bunarskom pumpom slijedećih karakteristika: tip „Grundfos“, snaga elektromotora 3 kW, kapacitet $Q=12,7$ l/s, visina dizanja $H=17$ m, dubina ugradnje pumpe 11,0 m.
- Voda se iz bunara potapajućom pumpom distribuira u rezervoar (armirano-betonski, poluukopanog tipa) putem cjevovoda \varnothing 80 mm, gdje se vrši kloriranje vode. Kloriranje se vrši klornim postrojenjem sa injektorskom pumpom slijedećih karakteristika: tip „Magdos“, snaga elektromotora 30W, kapacitet $Q_{max}=0,1$ l/s, pritisak $P_{max}=10$ bara.
- Podzemne vode su "hidrokarbonatno-kalcijsko-magnezijskog tipa", mineralizacije oko 415-460 mg/l i temperature 11,0-12,0°C. Fizičko-kemijske i bakteriološke analize vode pokazuju ispravnost u skladu sa Pravilnikom o zdravstvenoj ispravnosti vode za piće.
- Eksploataciju i korištenje vode za potrebe tehnološkog procesa proizvodnje u pogonu mesne industrije "Ovako" je izvedeno u sistemu bunar-rezervoar-pogon. Izvorište u hidrogeološkom pogledu, ima nepovoljne uslove zaštite.
- Od strane Općinskog vijeća općine Hadžići donesena je Odluka o zaštiti izvorišta u skladu sa odredbama Pravilnika o načinu utvrđivanja uslova za određivanje zona sanitarne zaštite i zaštitnih

mjera za izvorišta vode za javno vodosnabdijevanje stanovništva („Službene novine Federacije BiH“ broj: 88/12).

- Pravno lice „AKOVA IMPEX“ d.o.o. Sarajevo je potpisalo Ugovor o koncesiji sa Vladom Kantona Sarajevo broj: 02-05-13600-34/13 od 23.05.2013. godine. Predmet koncesije je pravo korištenja pitke podzemne vode iz bunara OB-1. Voda iz bunara OB-1 koristi se kao sanitarna voda, u postupku pripreme, prerade i proizvodnje mesa i mesnih prerađevina i u tehnoloških procesima proizvodnje za ostale namjene i druge potrebe. Rok trajanja ugovora je 30 godina. Koncesionar je Ugovorom stekao pravo korištenja pitke podzemne vode u količini od 15 l/s.
- U prethodnom periodu, od izdavanja rješenja o vodnoj dozvoli broj: UP-I/25-3-40-153-5/17 od 30.03.2017. godine, pravno lice nije vršilo dogradnju i/ili izmjenu sistema zahvatanja pitke podzemne vode iz bunara OB-1 u količini od 15 l/s za potrebe pogona za pripremu, preradu i proizvodnju mesa i mesnih prerađevina kojim upravlja „AKOVA IMPEX“ d.o.o., Sarajevo.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom, u tački 2. dispozitiva ovog Rješenja, propisani uslovi u skladu sa Zakonom o vodama, Pravilnikom o sadržaju, obliku i uvjetima i načinu izdavanja i čuvanja vodnih akata te odredbama Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka, a prema članu 17. stav 1. i 2. Zakona o vodama, u svrhu ostvarivanja prava na vodu drugim korisnicima kao i održivog korištenja voda, korisniku objekta „AKOVA IMPEX“ d.o.o. Sarajevo, ovom su vodnom dozvolom, u tački 2. dispozitiva rješenja, propisani uslovi korištenja objekta. Podnosilac zahtjeva, kao korisnik objekta obavezan je pridržavati se navedenih uslova, u skladu sa članovima 48., 64., 66. i 116. Zakona o vodama i članovima 13. i 14. Pravilnika o sadržaju, obliku i uvjetima i načinu izdavanja i čuvanja vodnih akata. Konstatuje se da je podnosilac zahtjeva „AKOVA IMPEX“ d.o.o. Sarajevo ispunio minimum uslova za izdavanje vodne dozvole za zahvat vode u svrhu obezbjeđenja potrebnih količina vode za potrebe pogona za pripremu, preradu i proizvodnju mesa i mesnih prerađevina i druge potrebe na vodocrpilištu „Ovako“, općina Hadžići, te je riješeno kao u dispozitivu ovog rješenja.

Podnosilac zahtjeva je uplatio upravnu i administrativnu taksu u iznosu od 70 u skladu sa Zakonom o federalnim upravnim taksama i tarifi federalnih upravnih taksi („Službene novine Federacije BiH“, broj 6/98, 8/00, 45/10 i 43/13).

Uputa o pravnom lijeku


Protiv ovog rješenja se može uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana prijema Rješenja. Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka:

mr.sc. Selma Merdan, dipl.inž.geol.

Prilog: Tehnička dokumentacija navedena pod tačkom B. obrazloženja rješenja

Po ovlaštenju
Rukovodilac Sektora za izdavanje vodnih akata



Dostaviti:

- „AKOVA IMPEX“ d.o.o.
Ul. Mostarsko raskršće bb, Hadžići, (sa prilogom)
- ⊖ AVP Sava, ISV, Vodna knjiga,
 - Sektor 50,
 - Sektor 40, arhiva,
 - Oglasna ploča